

大理府志

大理府志

大理府志卷之二

李元陽輯

地理志第一之二

疆域

周禮職方辨其邦國都鄙形方氏掌制郡國之地域而正其封大理在西漢為益州郡東有越雋西至不韋唐之中葉誅求太急僭竊相仍土宇分裂其後變易廢置不可以紀據

今建置郡之統邑各著其疆域界至以別其
封限焉

府治在雲南布政司西北九百里其地屬迤
西金滄道今治東二百四十里至於姚安之
姚州界南一百一十里至於蒙化府界西一
百八十里至於永昌之永平縣界北一百二
十里至於鶴慶府界由治東北九千里達於
京師南七千里至於南京治東西廣八百七

十里南北袤五百四十里

太和縣倚郭東二十里至於賓川州界南三十里
至於趙州界西二十里至於蒙化府界北七十里
至於鄧川州界

趙州在府南六十里東一百六十里至於姚安之
姚州界南一百三十里至於楚雄之定邊縣界西
一百八十里至於蒙化府界北三十里至於太和
縣界

雲南縣在州東南一百里東二百里至於白鹽井
界南九十里至普湘驛界西六十里至於定西嶺
驛界北八十里至於賓川州界

鄧川州在府北七十里東三百二十里至於北勝
州界南七十里至於太和縣界西四百四十里至
於雲龍州界北一百三十里至於劍川州界

浪穹縣在州西北四十五里東二百里至於北勝
州界南三十五里至於本州界西三百里至於五

井提舉司界北一百二十里至於劍川州界

賓川州在府東一百里東一百四十里至於姚安之
姚州界南八十里至於雲南縣界西八十里
至於太和縣界北三百里至於北勝州界

龍州在府西六百里東四百三十五里至於浪穹
縣界南一百八十里至於永昌之永平縣界西二
百里至於西浪滄夷界北一百九十里至於麗江
之碩莪場界

十二關長官司在府東三百里東一百二十里至於
白鹽井提舉司界南三百里至於姚安府界西一
百五十里至於雲南縣界北一百七十里至於賓
川州界

山川

太和點蒼山在縣治西五里凡十九峯連脊屏列內
抱如弛弓然峯各夾澗自山椒懸瀑注為十八溪
翠巒條分青嶂並峙如大鳥之連翼將翔也山色

翠黛殷潤歷秋冬不枯高六十里接連雲氣滇西
山川聯絡拱揖若將翼之蒙氏竊據封為中嶽漢
書曰邪龍雲南註山似扶風太乙之狀上有馮河
周迴萬步五月積雪皓然即此山也唐書貞元間
使崔佐時入南詔盟于點蒼山即此山本青石山
腰多白石穴之膩如切肪白質墨章片琢為屏有
山川雲物之狀世傳點蒼石好事者並爭致之唐
李德裕平衆莊醒酒石即此產也夏秋之交山腰

橫雲截如玉帶頗號奇觀昔人詩有云天將玉帶
封山公言天設也疊嶂承流崇岡戴雪四時皆吐
鶴雲松檜椅楸生之其陽多山茶其陰多丹桂又
有木蓮躑躅花樹並高數丈春日紅白錯雜被于
谿谷中巖號雪山世傳為佛苦行之地草石皆作
旃檀香氣叢林列剎諸峯相望蓋舊在天竺幅員
之內為阿育王封故國有三千蘭若茲土得其半
焉今存者什一耳前襟榆水碧瀾萬頃背有漾水

連絡為帶榆水東百里則有雞足山南百里有畢鉢羅窟遺靈勝蹟偏在茲區即林阻谷奧而無猛虎毒蛇冬夏氣候調適暑至於溫寒至於涼而止故四時無日無花信福地也宋太祖按地圖以玉斧畫大渡以西棄而不有故宋臣作洞天福地記南中見遺未得為通方之論矣按一統志記其峯溪自南而北一曰斜陽峯陽南溪二曰馬耳峯葶溪三曰佛頂峯莫殘溪四曰聖應峯青碧溪五

曰馬龍峯龍溪六曰玉局峯綠玉溪七曰龍泉峯
中溪八曰中峯桃溪九曰觀音峯梅溪十曰應樂
峯隱仙溪十一曰雪人峯雙鴛溪十二曰蘭峯白
石溪十三曰陽峯靈泉溪十四曰鶴雲峯錦溪十
五曰白雲峯茫湧溪十六曰蓮花峯陽溪十七
曰五台峯萬花溪十八曰蒼嶺峯霞移溪十九曰
雲弄峯至此則山海相接環海之外復有諸山曰
青巔曰鷄嶺曰玉几曰羅峯曰叢慈曰龜曰蛇若

拱若揖西向點蒼其開石窟勝景不可殫數要之

不若鎮山之奇麗云

按范石湖吳郡錄唐乾德二年詔沙門三百人入天竺求

舍利及貝多葉書有經葉三藏姓王氏耀州人預

遣中至開寶九年始歸寺其分託西域行程有曰

魏峯曰鷄足山曰優波拘多室曰王舍城曰鷲

峯曰溫泉二十餘井曰阿南半身舍利塔曰畢鉢

羅窟曰阿難証果塔曰輪王塔輪王即阿育王也

又曰塔窟甚多以今考之皆大理全郡古蹟也其

所三鷲峯即點蒼山也俗呼靈鷲為蓮蒼蓮點聲

相近遂訛為靈鷲為蓮蒼其說甚易曉觀天竺之名

漢時訛為身毒則古今名稱不能無異後可知矣

白古通載釋迦佛在西洱禮如來位即梵經謂靈

鷲山為釋迦說法華經處其說相合靈鷲梵名者

闍崛西洱名伽昆黎河又名桓河在梵時已易名

矣數千年後安得不易既佛入滅時迦葉方在耆闍
崛尋乃入鷄足山則鷄足與靈鷲相近可知舍點
蒼之外別無可當靈鷲之名者豈但父老傳信及
蓮點相近山形如鷲為足徵耶揆之通紀考之吳
船錄証以梵書稽之畢鉢羅窟之蹟如酉陽雜俎
之說与范石湖皆異代同符而大理古蹟与吳船
錄所載又皆無異信點蒼之為靈鷲無疑矣有元
李京點蒼臨眺詩水繞青山山繞城萬家烟樹一
川明鳥從雲母屏中過魚在鯨人鏡裏行翡翠罽
毼籠海氣旌檀樓閣殷秋声虎頭妙墨龍眠手百
種主銷画不成又元日大理詩華馬國裏逢冬至
點蒼山下見新年飲水嚼藥將誰訴斷梗飛蓬自
可憐洱水北來明似鏡神州東望遠如天明年此
日知何處醉撚寒梅一蕊然康里子三見李景山
歸自南談點蒼之勝寄題一首有客新從鶴招回
自言曾上五華台蒼顏暑雪當窓見玉脚晴雲對

草年開桂樹小山招隱士桃花流水屬仙才王孫芳
蒼山歌三山標海嶺五嶽名中州安知金馬碧雞
外乃有點蒼千仞之神丘愚公有力不得移至今
鬱鬱蟠荒陬陰崖猶遺太古雪白石口化三千秋
禹乘四載堯為憂窮源不遇派山幽穆滿驅車度
黃竹瑤池觴酒空掩留秦皇東封漢西託分陰社
首紛悠悠惜哉茲山誰見收聖人開天四海一
人開明堂朝萬國九州之外更九州山經海圖不
可極輜軒四出如流星却視點蒼同內域我昔待
金門前送僧曾賦還山篇僧還空山席未暖我隨
浮雲落天邊此時回首望山雪其崇微纒相拘牽
神官玉女應笑我丹梯有路無由緣折蘭城頭逢
使客官似鄭虔頭未白自言本是山中人偶着儒
冠事文墨世人號我章句師余心自許中林縉縉
伽誦罷無一語客至南談康樂詩金罇綠酒勸人

飲手中自嚼青楊枝明朝惜別還分手蘿刀西風
待君久若過東林問遠師天上相逢還憶不聞道
山中無四時院院僧閑花滿蹊李白東還定有日
為君拂石留新題授學童軒詩點蒼山色何奇哉
芙蓉采采天邊開嶙峋直上九千仞俯視群岫皆
菩當夸娥不能移巨靈不能劈南風十日吹不平
但見雲開橫鐵壁琪花瑤草四時閑此景彷彿非
人間千年老雪消不盡龍湫六月生陰寒我欲乘
風升絕頂倒控蒼虬凌倒景黃鶴仙人手可招咫尺蓬萊五雲境巡按御史色節詩史散庭空靜掩
扉點蒼西望翠霏微雲裁玉葉和烟潤瀑濺硃花
映雨飛石洞經秋龍不起松枝將暝鶴初歸冷然
忽動簷霞思擬葉榆水西洱河出浪穹縣罷
步丹梯一振衣
谷山下數處涌起如珠樹世傳黑水伏流別派也

自太和縣西北來匯於縣東為巨津形如月生

日遶縣西南由石穴中出石穴名天橋或盤迴點

蒼山後是為潏水與漾水合潏水今地名又會蘭滄江

而入南海蘭滄即黑水也黑水者辨水經曰罷谷

山海水出焉又曰益州葉榆河出其縣北界註曰

縣故滇葉榆之國也縣西北有烏弔山每歲八九

月衆鳥千百為群集于山下嗚呼啁哳俗言鳳凰

死於此山故衆鳥來弔今在點蒼山之西北弔鳥